

Haan mu tliing mniq ka sapah tqiyan

Sapah haan mu tliing u kiya ka psaan lnlamu lukus mi utuun ana manu qqiya, hiya u htngayan mi ou balay endaan mu laqi stiping, niqan naqah kuxul, niqan malu qrasan uri. Kmlingis ku mi mkkan nami kari ka yami dangi mu, kiya hiya ka haan mu tliing mniq. mttxal tssu ka lnglungan mu, mtna balay nii ku ddilan utux ini kuna biyaw pssluung doriq, asi ku chungi mtaqi dhuq mrdax, tkla ku mtutuy daw uka mmanu duwan.

Duma uri u asi ku ksaraw mtaqi utuwan mhnuk huton babaw, wada ku ini qlahang asi ku kndadax baraw sduruy ruma dxral, saw balay snhulis hay! Sduruy ku ciida muda ku miriq deynki plahan, maku balay mnarux ka hiyi mu, kiya ma mlux musa sapah haan mu tliing mniq ka hiya, adaw uka ssediq ka musa hiya wana nanaq yaku, kiya tduwa mu sbuway hiya kana ka lnlamu lnglungan mu kingal diyax.

Sapah haan mu tliing hini dril cipi qini ddai bihur thmuk balay nniqan, mniq hiya mowic rnngisan muda, cnhungi ku balay mtaqi huya ku balay thmuk hngak, asi ku kkaya tutuy. Malu utux mu yahan kuna pskluy nahari ptutuy ka utux baraw, huya ku na ngali knuudus ka sapah haan mu tliing nii da.

Niqan txal ini mu balay chngi ka endaan mu brah, tmawa ku bay bawa bubu saw sbbtun, snkuxul ku balay musa ttabaw psaan lukus baraw, wada ku ini tqlahang qmqah rbuq bliing ka qaqay mu, kiya asi ku tbruq dxral ruma, weynu asi sa “pon! akay balay! taway balay knarux wah! malu balay niqan naqah huton mi lukus ka ni snbaang brah, kiya ini krung ka buuc mu!” Uka ddaan mu ciida, smkuxul ku ppriyux mlukus lnlamu lukus saw ku balay Motor, mskato ku bubu mu, encun ku mlukus lukus keysacu tama mu, encun ku mlukus niqan hhana lukus bubu rudan mu uri, wada scuqi sqlinga ka oda mu da, bmaku balay mhliq ka skato bubu mu, uyun mu lmiing nhari ka lukus na, nasi klaun bubu mu naka ku na rikun snbuc da.

Tntaxa ta sediq niqan kingal sapah haan ta tliing, kiya qrasun mu balay ka endaan mu laqi sciping uri.“ Mniq hiya thi qan ku na qnaras, ssaan mi naqah kuxul , Sapah haan mu tliing nii u qmada naqah kuxul mi mnihur lnglungan. Adaw niqan“hiya”ana knuwan ida ku na biqun qnaras mi ini ku na sqyai ana manu. Adaw niqan“hiya”mhdu ku nanaq smalu lnglungan mu da u, saw kusun kiya miyah ka burah kingal diyax duwan.

我的秘密基地

我的秘密基地是一間堆滿衣服和雜物的小房間，承載著我成長中的酸甜苦辣。難過想哭或和朋友吵架時，我會躲進去，把情緒一股腦地宣洩。那裡狹窄又悶熱，哭累了常常不小心睡著，有次甚至睡到快喘不過氣，嚇得我驚醒。還有一次爬櫃子不小心跌倒，幸好有棉被和衣服救我一命。無聊時我會在那裡扮演角色，穿上爸媽和外婆的衣服，還曾因弄破裙子偷偷藏起來。這個只屬於我的小空間，是我安心整理思緒、迎接明天的避風港。